

# Serbski institut Sorbisches Institut

Medijowe wozjewjenje dnja 04.06.2018

**Z nowym institutnym wjednistwom dalše personalne prašenja rozrisane:  
dr. Friedrich Pollack nawjeduje wotnětka Wotrjad kulturne wědomosće**

Serbski institut z. t. ma wot 1. junija 2018 sem noweho direktora. Kuratorij instituta je dr. Hauke Bartelsa jako noweho direktora na dobu pjeć lět powołał (medijowe wozjewjenje z 18.05.2018). Dale je so tež wjednistwo Wotrjada kulturne wědomosće znowa wobsadziło: Tohorunja za dobu pjeć lět je dr. Friedrich Pollack dnja 1. junija 2018 tute zastojnstwo přewzał.

Friedrich Pollack je w Kamjencu wotrostł a studowaše w Lipsku stawizny srjedžo- a nowowěka, sociologiju a komunikaciske wědomosće. Po swojim doktoraće w Serbskim instituće kaž tež stipendija Załožby dr. Gregoriusa Mättiga (Budyšin) dźělaše přechodnje jako wědomostny sobudźělačer na Drježdžanskej TU, prjedy hač so znowa w Serbskim instituće přistaji. Swoju promociju k temje „Serbscy předarjo. Kolektiwna biografija serbskeho ewangelskeho duchownstwa Hornjeje Łužicy w zažnym nowowěku“ bě 2017 wuspěšnje na Lipšćanskej uniwersiće zakitował. Dźěło ma so 2018 w Ludowym nakładnistwje Domowina publikować. Jeho dźěłowe wobłuki su serbske kulturne a socialne stawizny předmoderny, cyrkwinske stawizny, wědomostne a wědowe stawizny kaž tež slědženja wo identiče a alteriče w němsko-serbskim konteksće.

“Za rozšěrjene wjednistwo instituta bě trjeba, nimo direktorata tež tute centralne personalne prašenje rozrisać. Po swojim přestruktuěrowanju móže so Serbski institut nětko zaso intensiwnišo na swoje slědženja koncentrować, a kulturne wědomosće k tomu na bytostne wašnje přinošuja. Zhromadnje chcemy institut jako centralnu wědomostnu instituciju Serbow dale wutwarić.” (Dr. Hauke Bartels)

**Dalše informacije** wo Serbskim instituće a jeho sobudźělačerkach a sobudźělačerjach namakaće pod:  
[www.serbski-institut.de](http://www.serbski-institut.de).

Maće-li **dalše prašenja**, potom wobroće so na dr. Hauke Bartelsa: [hauke.bartels@serbski-institut.de](mailto:hauke.bartels@serbski-institut.de).

**Hłowne sydło** · Hauptsitz  
Dwórnišćowa 6 · Bahnhofstraße 6  
D-02625 **Budyšin** · **Bautzen**  
T +49 3591 4972-0  
F +49 3591 4972-14  
si@serbski-institut.de  
www.serbski-institut.de

**Wótnožka za dolnoserbske slěženja**  
Zweigstelle für niedersorbische Forschungen  
Droga Augusta Bebela 82  
August-Bebel-Straße 82  
D-03046 **Chóšebuz** · **Cottbus**  
T +49 355 48576-482  
F +49 355 48576-494  
cottbus@serbski-institut.de



**Serbski Sorbisches  
institut Institut**